



UNIVERSITÄTS-  
BIBLIOTHEK  
PADERBORN

# **Institutiones Canonicae Sive Ius Ecclesiasticum**

**Wiestner, Jacob**

**Monachii, 1706**

VI. De crimine Sodomiae.

---

[urn:nbn:de:hbz:466:1-62649](https://nbn-resolving.org/urn:nbn:de:hbz:466:1-62649)

## ARTICULUS VI.

## De crimine Sodomix.

## SUMMARIUM.

74. *Ista committitur coitu ejusdem sexus personarum.*  
 75. *Non solâ sui pollutione:*  
 76. *Neque ullô coitu viri cum femina,*  
 77. *Et hominis cum bruto animali:*  
 78. *Neque etiam cum persona disparis cultus*  
 79. *Vera Sodomia pœna Divinô,*  
 80. *Et humanô, tam Imperiali,*  
 81. *Quàm Ecclesiasticô jure prodita.*
74. **N**efandum hoc & monstroſa libidinis crimen, originem ac nomen à Sodomis trahit, Genes. cap. 19. v. 5. & propriè strictèque acceptum est Coitus contra naturam inter duos, non servatò debitò sexu: sicut contingit, quando cum mas aut femina cum femina concumbit, ut ex *V. cit. Scân. Usus 32. q. 7.* desumitur & tradit S. Thomas 2. 2. q. 154. art. 1. Ex qua ejus explicacione
75. Patet, quantumvis contra naturam, propriè tamen non Sodomiam, sed ei tantùm affinia crimina esse Primò peccatum Mollitici, quò homo voluntariè poluit se ipsum: quod, quia clanculum & secretò solet exerceri, ad forum contentiosum vix unquam solet deduci: cum autem deducitur, extraordinariâ v.g. relegationis aut fustigationis pœnâ coërcendum, censent Damhud. *Prax. Criminal. cap. 96. n. 6.* & Haunold, *Tom. 6. de J. & J. Tract. 2. n. 575.*
76. Secundò, concubitus maris cum femina, non servatò debitò vase; quia, licet non vas, sexus tamè debitò, contrà quàm in vera Sodomia solet, observatur, Sylvester

*V. Luxuria, q. 5. & Azor p. 3. Instit. Moral. lib. 3. cap. 20. q. 1.* qui propterea, crimen hoc mitiori quàm propriè dictam Sodomiam pœnâ afficiendum, docet contra Covarruviam *de Sponsal. p. 2. cap. 7. §. 5. n. 7.* Clarum *Prax. Crim. §. Sodomia n. 2.* & Farinac. *Pract. Criminal. q. 148. n. 35.* id ordinariâ Sodomitarum & mortis pœnâ coërcendum, variarum provinciarum praxi allegatâ, asserentes.

Tertiò coitum hominis cum bruto animalis; quantumvis enim foedissimâ istius turpitudinis monstrum ad Sodomiam passim revocetur, istâque non minùs; imò magis abominandum, & nefandissimum crimen sit, propriè tamen Bestialitas vocatur, ejusque perpetrati rei verorum Sodomitarum instar *Ordinat. Carolinæ art. 116.* morte plectendi & comburendi dicuntur, secundùm receptam consuetudinem: quâ, licet aliquando vivi, frequentissimè tamen ad evitandum desperationis & interitûs animarum periculum priùs capite plexi cum bruto comburi solent, ad imitationem Legis Divinæ Veteris, peccus cum homine interfici præcipientis, *Levitici cap. 20. V. 15.* ne flagitii tam horrendi memoria & vestigium ullum inter homines extet, Clarus *§. Fornicatio, n. 27.* Farinac. *cit. q. 148. n. 46.* & Haunold. *Tom. 6. tract. 2. n. 576.*

Multò minùs, quàm tria hætenus recensita, Sodomiticum crimen est commercium carnale viri Christiani cum femina Judæa vel Pagana, aut hujusmodi viri cum femina Fideli. Quamvis enim propter irreverentiam, & Legi ac nomini Christiano illatam injuriam, delictum hoc graviori, quàm aliæ simplices fornicationes: & quando conjugii velamen intervenit, adulterii pœnâ plectendum sit, *l. Ne quis 6. C. de Judæis*, specie tamen à simplici Fornicatione non differt: & arbitriò judicis, mitiori tamen, quàm capitatis pœnâ

tis pœnâ id coërendum, cum Claro §. Fornicatio cit. n. 26. & Menochio de Arbitr. casu 290. n. 9. asserit cit. Farinac. q. 139. n. 3.

79. Propriè autem & strictè acceptum, sive inter ejusdem sexûs homines perpetratum Sodomix crimen, sicut ob suâ fecditatis enormitatem indignitatèque à Naturæ conditore Deo, ultricibus flammis de cœlo missis, subversione Pentapoleos, illiusque habitatorum interitu abolitum, Genes. cap. 19. V. 24. eoque per Moysen præcipiente, morte expiandum postea fuit, *Qui dormierit cum masculo coitu femineo, uterque operatus est nefas, morte moriantur*, Levitici cap. 20. V. 13. sic in Novo Testamento exquisitis supplicis est vindicatum.

80. Et Jure quidem Imperiali lex Julia à Constantino & Constante Imp. leges infurgere, armari Jura gladio ultore & infames, hoc est, nefandæ libidinis perpetratæ reos, exquisitis pœnis subdi jubentibus, *l. Cum vir 31. C. ad L. Jul. de Adult. & à Justiniano §. Item lex 4. Instit. de Publ. jud. & Novell. 77. cap. 1. §. 2.* confirmata, consuetudine autem serebique receptâ sic exasperata est; ut hodie ejus criminis rei vivi, aut eorum saltem morte punitorum cadavera igne concrementur, teste cit. Farinacio cit. q. 148. n. 7. Quam Sodomitas comburendi consuetudinem Carolus V. *Ordinat. Criminal. art. 116.* voluit observari. Præterea ejusmodi criminosi etiam ante accusationem & condemnationem ipsò Jure sunt infames, per textum & Glossam in *l. Cum vir. cit. V. Infames*, rerumque suarum, fisco cedentium, dominiò ipsò Jure privantur, c. *Cum secundum 19. de Hæreticis in 6.* Glossa *sibi, V. Perdant.* Hanc tamen privationis pœnam non ubique usu receptam, notant cit. Clarus §. *Sodomia*, n. 6. & Farinac. *man. 15.*

Jure autem Ecclesiasticò hujusmodi nefandi, Sodomitici, inquam, criminis rei laici, præterquam quòd, sicut ab adulteris, etiam ab ipsis divertere conjux innocens valeat, *arg. can. Omnes 32. q. 7.* & infames fiant *arg. can. Infames 2. pr. 3. q. 7.* à fidelium communione, donec condignam pœnitentiam egerint, penitus excludendi; si verò clerici sint, beneficiis privati & ab officio atque Ordine clericali depositi ad agendam pœnitentiam in arctum Monasterium sunt detrudendi, c. *Clerici 4. de Excess. Prælat.*

Demum Jure novissimò *Constitutio* nis Pii V. quæ incipit *Horrendum*, editæ 3. *Septemb. 1568.* Clerici quicumque Sodomiam exercentes omni privilegiò clericali, officio, dignitate & beneficio Ecclesiastico privati, & per judicem Ecclesiasticum degradati, tradendi sunt curiæ seu potestati Seculari; ut in ejusmodi criminis reos laicos lege constitutis pœnis afficiantur. Quibus tamen pœnis ut locus sit, Sodomiam non solum attentatam, sed consummatam; neque tantum semel iterumque commissam, sed frequentatam exigi, voluit Suarez de *Censuris disp. 31. f. 4. n. 21.* & aliis DD. relatis Barbolâ in *c. Clerici cit. n. 7. & 8.* Ea etiam non degradationis tantum & clericalium privilegiorum amissionis pœna, sed officii quoque dignitatis & beneficii Ecclesiastici privatio non incurritur ipsò facto; sed sententiam condemnatoriam, vel si ipsò facto contrahatur, criminis declaratoriam & ad ejus commissi diem retrahendam exposcit, ut cum *cit. n. 22.* observat. Quaranta *V. Sodomia in Addit. l. 6. m. 5.*

